



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE CONCILIIS, ET|| ECCLESIA MILITANTE,|| QVATVOR LIRBRIS||
COMPREHENSA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

VIII. Soluuntur argumenta ex Concilioru[m] erratis.

[urn:nbn:de:hbz:466:1-53873](https://nbn-resolving.de/urn:nbn:de:hbz:466:1-53873)

sed tantum prouincialia; illa enim propriè sunt Episcopalia, in quibus soli Episcopi, non Archiepiscopi, aut Patriarchæ conueniunt: ista autem Concilia ordinariè non instituūtur ad dogmata fidei constituenda; id enim proprium est generalium Conciliorum, sed tantum ad restituendam disciplinā Ecclesiasticam, & mores corrigendos. Itaq; ex se, & ordinariè inualida sunt ad constituēda dogmata fidei, si tamen aliqua vrgente necessitate definiant aliquid de fide, & eorum decre-
tum à sede Apostolica approbetur, nihil obstat, quod minus valida esse possint.

C A P V T VIII.

Soluuntur argumenta ex Conciliorum erratis.

EN M E R A N T deniq; aduersarij errores Conciliorum, & præcipue HERMANNVS lib. 3. ca. 15. & 16. Prolegomenorum, & liber Protestantium, qui inscribitur: *Causæ cur electores, &c.* Sed è maximo numero errorum, solum tertia pars eget aliqua dis-
cussione. Trium enim generū errores in Conciliis aduersarij obseruarunt. Quosdam errores veros & crassos, sed Conciliorum illegitimorum & à Pontificibus reprobatorum, ut A-
riminensis, Seleuciensis, Ephesini II. quos frustrà enumerat, cùm nihil faciant contra nos. Vide quæ diximus de Conciliis
reprobatis lib. 1. cap. 7. & 8.

Alios deinde errores non veros, sed fictos Conciliorum legitimorum, & probatorum; omnia enim quæ ipsi nō pro-
bant, vocant errores. Hoc modo dicunt errasse Concilium Chalcedonense, in quo sanctimoniales prohibent votum continentiae violare, & Concilium Carthaginense V. in quo statuitur, ne altaria erigantur sine reliquiis Martyrum. sed dum hæc dicunt, assumunt quod probandum erat.

Alios denique errores obseruant in veris, legitimisque Conciliis, qui reuera speciem aliquam erroris habere viden-
tur, id est, eiusmodi sententias videntur cōtinere, quæ & no-
stro & illorum consensu iudicantur erroneæ, atq; hos dun-
taxat examinare, & diluere debemus.

P R I M O loco Caluinus adducit Concilium CD. Pro-
phetarum,

phetarum, qui omnes errarunt ipso Deo protestante se misse spiritum mendacem in ore ipsorum, 3. Regum 22. Sed quale, quæso, Concilium illud fuit? PRIMVM non erant illi Prophetæ Domini; nam cùm C.D. illi Prophetæ sententia suas dixissent, legimus quæsiusse Regem Iosaphat à Rege Achab, an non esset aliquis Propheta Domini, per quem Dominus interrogari posset? Achab autem respondisse: *Remanserit Ennas, sed ego odi illum.* DEINDE Concilia, non Prophetarum, sed Sacerdotum esse debent. DENIQUE Concilium illud, ab Achab Rege non à summo Pontifice coactum fui proinde nibil mirum, si errauit.

Proponunt SECUNDO Caluinus & Brentius Concilium Iudeorum præside summo Pontifice Caipha, in quo excommunicati sunt, qui confitebantur IESVM esse Christum, Ioan. 9. & postea Christus reus mortis iudicatus est, Ioan. II. Marc. 14.

RESPONDEO, quidam aiunt quæstionem fuisse de facti non de iure, quam Concilium illud iudicavit, videlicet, num IESVS necandus esset; in eiusmodi autem iudiciis Concilium errare posse, non dubium est. At quæstio illa etiam si de facti esset, tamen inuoluebat quæstionem de fide grauissimam nimirum an IESVS esset verus Messias, & Dei Filius, atq[ue] adeò Deus verus. Quocirca errauit in fide perniciosissime Caiphas cum vniuerso Concilio, cùm iudicauit IESVM blasphemasse, qui se Dei Filium appellauerat.

Alij dicunt, Pontificem, & Concilium errasse, quantum ad errorem propriæ mentis, non tamen errasse in sententiâ quam protulit. Verè enim IESVS erat reus mortis, quia peccata nostra in seipso purganda susceperebat, & verè expediebat, eum mori pro populo. quare Ioan. cap. II. dicit Caiphas prophetasse. At licet verba Caiphæ bonū sensum recipient non tamen omnia, cùm enim ait de Christo: *Blasphemauit quid adhuc egemus testibus?* Certè tunc non prophetauit, sed blasphemauit.

Alij dicunt, Concilium illud errasse, quia non processu secundum morem legitimi iudicij: sed tumultuaria conspiratione, subornatis falsis testibus, Christum damnauit, id quod adeò notum erat omnibus, vt etiam Pilatus sciret per inuidiam cum fuisse traditum sibi à Pontificibus, vt habe-

mvi

mus Matth. 27. atque hæc quidem responsio probabilis est. Quia tamen non est inferiorum iudicare, an superiores legitime procedant, nec ne, nisi manifestissime constet intolerabilem errorem committi; & credibile est, Deum non permitturum, ut Concilia, quibus summus Pontifex præsideret, non legitimè procedant. Ideo respondemus, Pontifices & Concilia Iudæorum non potuisse errare antequam Christus veniret, sed eo præsente potuisse, immò fuisse prædictum erraturos Iudæos, & Christum negaturos, Isaiae 6. Daniel. 9. & alibi. Sicut enim non est necessarium, ut Vicarius Papæ non possit errare, cum ipse Papa regat Ecclesiam, & ab errore defendat: sic etiam non fuit necessarium, ut Pontifices Iudæorum non possent errare, quando Christus, summus totius Ecclesiæ Pontifex, præsens aderat, & Ecclesiam per se administrabat.

TERTIO videtur LUTHERVS reprehenderè Concilium Apostolorum, de quo Actor. 15. dicit enim in assert. artic. 29. Iacobum mutasse Petri sententiam. Constat autem sententiam Petri, qui iudicauerat, non debere Gentes cogi ad legalia, fuisse bonam & veram; nam eam tuetur Paulus in tota epistola ad Galatas, ergo sententia Iacobi, quam Synodus tota sequuta est, fuit mala, & falsa, quæ nimis iussit Gentes abstinere à sanguine, & suffocato, quod nihil aliud est, quam iudaizare. Item Lutherus in libro de Conciliis, parte prima, multa dicit de hac lege Apostolorum, & quamvis nō audet asserere fuisse malam, tamen inde probat, Concilium nihil prodesse, quia non potest defendi ista lex, nisi dicamus Concilium non obligare.

RESPONDEO, nō desunt veteres, qui negent Concilium Apostolorum, quidquam præcepisse de abstinentia ab esu sanguinis, & suffocatorum animalium. IRENÆVS enim lib. 3. cap. 12. hunc locum bis adducens, semper omittit suffocatum, & nomine sanguinis videtur intelligere homicidiū. CYPRIANVS lib. 3. ad Quirinum circa finem aperte dicit, Apostolostantum præcepisse, ut abstinerent ab idolatria, fornicatione, & sanguinis effusione. Chrysostomus & Oecumenius in hunc locum, intelligunt per suffocatum homicidium. Nihilominus tamen in omnibus codicibus Græcis, & Latinis inuenimus sanguinem, & suffocatum. & con-

stat

stat ex Tertulliano in Apologetico ca.9. & ex Concilio Gagrensi can.2. per multos annos seruatū in Ecclesia hoc praeceptum, ita, vt non vescerentur Christiani sanguine, nec soffocatis animalibus. Et præterea nulla erat ratio, cur Apostoli prohiberent homicidium, solum enim voluerunt prohibere quædam, de quibus Gentiles dubitabant, an esse peccata; homicidium autē esse peccatum apud omnes semper in confessio fuit.

Respondemus igitur, Apostolos in primis prohibuit fornicationem, quia illa non videbatur peccatum Gentibus, cùm nullis legibus puniretur; deinde imperasse abstinentiam ab immolatis simulacrorum, sanguine, & suffoco, non vt legis veteris obseruantiam, sed vt sua, id est, Apostolica præcepta, idque in eum finem, ut facilius Ecclesia, Iudeis, & Gentibus coalesceret; non enim potuissent in initiis Iudei ferre Gentilium societatem, si eos vidissent sci carnibus immolatiis, aut sanguine, aut suffocato, à quibus illi valde abhorrebant. Postea verò quam Ecclesia dicit, & finis ille legis cessauit, lex etiam per se cessauit, qua re sic loquitur S. AVGUSTINVS li.32. contra Faustum cap.13. Si hoc tunc Apostoli præceperunt, Et ab animalium sanguine abstinerent Christiani, ne præfocatis carnibus ventur, elegisse mihi videatur pro tempore rem facilem, quam obseruantibus onerosam, in qua cum Israëlitum am Gentes propter angularem illum lapidem, duos parietes se condentem, aliquid communiter obseruarent. Et infra Transacto Verò illo tempore, quo illi duo parietes, unus circumcisio, alter ex proprio venientes, quamvis in angulari lapide concordarent, tamen suis quibusdam proprietatibus distinctius eminebant: Et ubi Ecclesia Gentium iuvenientia effecta est, Et in ea nullus Israëlit a carnalis appareat, quam hoc Christianus obseruat, Et turdos, Et minutiores aves, non attingat, nisi quarum sanguis effusus est: aut leprosus non edat, si manu aceruisse percussus, nullo cruento vulnere occisus est? Et qui forte pauci adhuc tangere ista formida a ceteris irridentur. Hæc ille.

Itaque, neque Concilium errauit, neque Iacobus Petrus sententiam mutauit, sed antequam res definitetur, putauit addendum sententiæ Petri hoc præceptū positium, & temporali-

porale, & postea ex communi sententia res definita est. Vide Hieronymum in epistola ad Augustinum, quæ est II. inter epistolas Augustini, ubi dicit Iacobum, & omnes alios Petri sententiaæ acquieuisse.

QUARTO, proferunt Concilium Neocæsariense, confirmatum à Leone IV. dist. 20 can. De libellis, & receptum in Concilio Nicæno I. ut dicitur in Concilio Florentino, sess. 7. nam in hoc Concilio, can. 7. inuenitur exploratus error, quo prohibitent secundæ nuptiæ: Presbyterum (inquit Concilium) conuiuio secundarum nuptiarum interessere non debere, maxime cum præcipiatur secundis nuptiis pœnitentia tribuere. Quis erit ergo Presbyter, qui, propter conuiuum, illis consentiat nuptiis, quas tamen Paulus concedit, 1. Corint. 7. Si dormierit vir eius, liberata est, cui vult nubat, tantum in Domino?

RESPONDEO, Concilium loqui de eo, qui duas simul uxores habet, ut exponit rectè Glossa, 31. quæst. 1. can. De his qui frequenter. Vel secundò dici potest, non prohiberi secundum Matrimonium, sed solennitatem secundi Matrimonij, cui solemnitati propriè conuenit nomen nuptiarum. Celebritas enim nuptiarum tantum semel in Ecclesia fieri consuevit, nimirum quando virgines coniunguntur, ut Isidorus testatur lib. 2. de officiis, cap. 19. ubi dicit, solum in primis nuptiis dari annulum, & velum quoddam, partim album, partim tubeum, quod flammeum dicebatur; à quo velo nuptias dictas, quia nimirum eo velo obnubuntur capita nouarum nuptiarum, testatur Ambrosius lib. 1. de Abraham, cap. 9. Canon igitur ille prohibet, ne Presbyter celebritati secundi Matrimonij interset, quin potius pœnitentiam iniungat iis, qui contra morem Ecclesiæ in secundo Matrimonio eiusmodi celebritatem adhibuerint.

QVINTO, proferunt Nicænum Concilium primum, de quo LUTHERVS in libro de Conciliis parte prima dicit, se non intelligere Spiritū sanctum in isto Concilio; nam in uno canone dicit, nō esse idoneos ad Sacerdotium eos, qui se castigerunt; in altero prohibet, ne Sacerdotes habeant uxores, & tandem ita concludit pag. 92. An vero nihil aliud est negotijs Spiritui sancto in Concilio, quam ut impossibilibus, periculis, non necessariis legibus suos ministros obstringat. Et oneret?

oneret? Ibidem Lutherus refert canonem erroneum Nicæni Concilij de rebaptizandis Paulianis, & similem Concilij Iconij ex lib. 7. hist. Eusebij, cap. 6. Item Lutherus ibidem Brentius, & Hermannus, damnatam esse militiam asserunt in eodem Concilio, quam tamen constat ex approbatione Ioannis Baptistæ, Luc. 3. esse licitam. Sic autem habet canon XI. Concilij: *Qui verè per Dei gratiam vocati, primò quidem ostenderunt fidem suam, deposito militia cingulo, post hac rem ad proprium vocatum reuersi sunt, & eis pecunias dare. Ei ambirent redire rursum ad militiam; isti decem annis inter pænitentes, postquam tricennio fuerint inter audiēti id est, Catechumenos.*

RESPONDEO, Concilium Nicænum tantæ semper apud omnes Patres fuisse auctoritatis, ut mirum sit, Lutheri mentem venire potuisse, ut aliquid aduersum hoc Concilium scriberet. Sed nimirum ita oportuit hæreticos produm ea vituperant, quæ omnis Catholica Ecclesia semper probauit. Sed ad rem. Displacet Lutheri iniunctam Ecclesiasticis viris legem continentiae, ideoq; Concilium esse clamat. At nobis Lutherus errat, & verbo, & facto, non Concilium; de qua re propria instituetur suo loco dispositio.

Quod autem reprehendit canonem de rebaptizandis Paulianis, ignorantiam suam prodit. Pauliani enim, cum primum hominem Christum crederent, & Trinitatem aperte negarent, non baptizabant in nomine Trinitatis, proinde nec vero baptizabant. Porro Concilium Iconij particulare fuit, & improbatum a summo Pontifice, sicut Concilium Carthaginense sub Cypriano celebratum, qualia Concilia nos minime defendimus.

Iam quod attinet ad militiam, Nicæna Synodus non prohibet militiam, nisi quatenus aliquando signum est idolatriæ; sciendum enim est, olim cingulum militiarum fuisse rem magni honoris, & etiam commodi, propter magna præuilegia concessa militibus; & propterea antiquos illos Imperatores Ethnici, tempore persecutionis consueuerunt auferre cingulum militiarum, & exauthorare eos, qui Christiani inueniebantur, & fidem negare nolebant, quod patet in Eusebio lib. 8. hist. cap. 4. ubi dicit, initium persecutionis Diocles.

Nicæ Diocletiani cœpisse à Christianis, quibus militia negabatur, nisi immolarent idolis. Et lib. 9. cap. 10. dicit, Licinium quoque initio suæ persequutionis, Christianos de Palatio, & de omni militia expulisse. Item ex Ruffino, qui lib. 10. hist. ca. 32. vbi de Juliano ait, militiæ cingulum non dari, nisi immolantibus, iubet. & lib. 11. cap. 2. dicit, Valentinianum à Deo receperisse imperium, quia pro eius fide, tempore Iuliani, militiæ cingulum spreuerat.

Quoniam ergo tunc quidam Christiani milites ardore fidei cingulum abiiciebant, malentes potius sine honore, quam sine fide viuere; deinde autem seducti à Diabolo, iterum ambiebant cingulum, parati fidem negare; ideo Concilium in hos tam seueram pœnitentiam constituit. Hæc ita esse patet; PRIMO, ex Theodoro Balsamone, & Zonara, qui ita exposuerunt in commentariis horum canonum. SECUNDO, ex Ruffino, qui libro 10. hist. cap. 6. enumerans canones Nicæni Concilij, hunc ita ponit: *Qui propter confessionem militiam abiecerant, &c.* TERTIO, ex ipso canone, nam toto canone agitur de lapsis; & primum quidem iis, qui ob metum vitæ, aut opum amittendarum lapsi fuerant, negando fidem, iniungit Concilium pœnitentiam decem annorum; deinde iis, qui militiam abierant, quam pro fine contempserant, iniungit tredecim annorum pœnitentiam, quia nimis isti grauius lapsi erant: priores enim simpliciter negauerant, isti autem post gratiam confessio-
nis negauerant, in quo maior ingratitudo erga D E V M inuenitur.

SEXTO, profert Hermannus Concilium A RELATEN-
SE II. in cuius secundo canone sic dicitur: *Assumi aliquem ad sacerdotium, in vinculo coniugij constitutum, nisi fuerit promissa conuersio, non oportet.* Hic duos errores notat Hermannus Hamelmannus. V N V M, quod non liceat Sa-
cerdotibus vti suis vxoribus, cum id sit contra Concilium Gangrense, in cuius can. 4. excommunicantur ij, qui no-
lunt interesse sacrificio, quod offertur à Presbytero coniu-
gato. Est autem Gangrense Concilium receptum à Leo-
ne IV. distinct. 20. canon. De libellis. Immò etiam contra
Concilium NICAENVM, in quo approbata est sententia Paph-
nutij, qui censuerat, non debere prohiberi Ecclesiasticos à
II con-

128 Cap. VIII. De Conciliorum auct. Lib. II.

consuetudine cum propriis vxoribus, vt patet ex Socrate cap. 8. ex quo sequitur, necessariò errare Concilium Arela se, vel Concilium Gangrense, & Nicænum. AL TER VNI rorem notat in illa voce, *Conuersio*, non enim conuertim nisi à malo; qui ergo iubet coniugatum conuerti, coniugium damnat, quæ est hæresis damnata in eodem Gangre Concilio, can. I.

RESPONDEO, illa Concilia non pugnare inter se, nec lumen eorum errasse; nam Concilium Gangrense edidit canes contra eos, qui putabant, nuptias, & csum carnium solutè esse mala, & à Diabolo, quæ fuit hæresis Manicha postea Eustathij Sebasteni, contra quem Gangrense Concilium celebratum est. Quia ergo hæretici isti ita horreb nuptias, vt etiam Presbyteros, qui vxores habuerant, etiam eas non haberent (saltem quasi uxores) ferre nō possunt ideo Concilium etiam istum canonem addendum putatur. Vnde in ipso canone sic habemus: *Quicunqz discernit, ab aliis, qui vxorem habuit, quod non oportet, eo ministrante oblatione percipere, anathema sit.* Vbi vides agi de eo, habuit uxorem, non qui habet.

Ad illud de Concilio Nicæno suprà respondimus, fideliter narratam esse historiam à Socrate. ac, vt alia argumenta prætermittamus, id satis colligitur ex isto Concilio Arelatensi; hoc enim Concilium celebratum est nuptio Nicæno Concilio, & in eo recepti sunt canones Nicæni, vt patet ex eo, quod ferè omnes in hoc Concilio repenterunt. Cùm ergo etiam istum hīc inueniamus, sine dubio, hic etiam fuit in Concilio Nicæno, vel saltem non est ei contrarius; nulli enim unquam Catholici repugnauerunt Nicæno Concilio.

Ad ultimum dico, conuersionem non solum dicere à malo ad bonum, sed etiam à bono ad meliorem; quare Gregorius lib. 2. epist. ca. 100. vocat conuersionem, professionem Monachatus, & exstat titulus in iure canonico de conuersione coniugatorum.

SEPTIMO, profert HERMANNVS Hamelmannus Si mense Concilium, quod videtur receptum, quia damnata est in eo hæresis Photini, & tamen aperte in eo Concilio confirmata est hæresis Ariana. Idem dici potest de Sardicensi quoque.

II. • Cap. VIII. De Conciliorum auct. Lib. II. 129

quod receptum est à Leone I V. dist. 20. can. De libellis. Et tam
men B. Augustinus libro 3. contra Cresconium, cap. 34. dicit:
*Disce, inquit, quod nescis, Sardicense Concilium Arianorum
fuit. Etc.*

RESPONDEO, hæc argumenta procedere ex ignorantia historiarum; multæ siquidè confessiones editæ sunt in Concilio Sirniensi, præter Photini damnationem, aliæ Catholicæ, aliæ hereticæ, vt nos suprà docuimus, & perspicuum est ex Hilario in libro de Synodis. Sardicense autem mox in duas partes diuisum fuit, & quidem una pars, quæ erat Occidentale CCCC. Episcoporum, cum quibus etiam erant Legati Iulij Papæ, pro fide Catholicæ, & Athanasio restituendo fuit, vt patet ex Hilario lib. de Synodis, & ex Athanasio in Apologia secunda, atq; hanc partem confirmavit Leo IV. Altera pars fuit Orientalium LXX. Episcoporum, qui seorsim convenientes fidem Catholicam, & Athanasium damnauerunt. Et de hac loquitur Augustinus, qui etiam non videtur legisse aliud ex Concilio Sardicensi, quam id, quod Orientales misserant ad Africam, vt vniarent sibi Donatistas.

OCTAVO, profert idem HERMANNVS Hamelmannus Concilium LAODICAENVM, in cuius primo capite statuitur, vt secundum indulgentiam reddatur communio iis, qui secundis nuptiis iuncti sunt: Ex quo videtur, Concilium antea abstulisse communionem iis, qui secundò uxorem duxerat, & postea illam eis reddere condonando peccatum; id enim significat, secundum indulgentiam.

Respondeo PRIMO, fortasse loquitur Concilium de iis, qui in secundo Matrimonio adhibent solennitatem, vt diximus de Concilio Neocæsariensi. SECUNDO dico, Concilium nō errasse, etiamsi loquatur de secundo Matrimonio, sed errorem potius corrixisse, apparet enim ex hoc loco, aliquos Episcopos particulares, ex zelo, non secundum scientiam, negasse communionem bigamis, quorum errorem Concilium corrigit, & iubet bigamis communionem restituiri, nam etiam ideo initio canonis vocat nuptias bigamorum liberas & legitimas. Illud verò, Secundum indulgentiam, sumptum est ex Paulo 1. Corinth. 7. qui ait; Vsum coniugij se non imperare, sed indulgere. vt ergo Paulus cum ait, se indulgere vsum coniugij, non vult dicere, se ignoscere pecca-

130 Cap. VIII. De Conciliorum auct. Lib. II.

tum, sed se concedere minus bonum, quamuis optaret mius bonum ab illis teneri; ita Concilium hoc dicit, se indu gere secundas nuptias, id est, concedere, ut minus bonum quamuis cuperet magis eligi viduitatem, quæ est bonus quoddam excellentius coniugio.

NONO, profert HERMANNVS Hamelmannus Concilium secundum generale, in cuius canone 5. duo inueniuntur errores, pugnantes cum aliorum Conciliorum decretis: Vnus est, quod primatus Ecclesiasticus sit Romani Pontificis: Alter, quod post Romanum Pontificem debeat immediatè Episcopus Constantinopolitanus; quæ duorum renouata sunt in Concilio Chalcedonensi, auct. vltim PRIMVS error pugnat cum Concilio Nicæno, in cuiuscum 7. tribuit primatus Episcopo Hierosolymitano; & cum Concilio III. Carthaginensi, cap. 26. vbi decernitur, neminem debere vocari Principem Sacerdotum, aut summe Sacerdotem. SECUNDVS error pugnat cum Concilio Nicæno, can. 6. vbi tribuitur secundus locus Alexandrinus, tunc Antiocheno Episcopo, quem canonem frequenter citat Leo I. in epist. 53. 54. & 55.

RESPONDEO, primum non esse errorem, nec pugnare cum vlo Conilio. Quod autem adducit Hermannus can. 7. Concilij Nicæni, nihil valet; ibi enim tribuitur Hierosolymitano Episcopo aliquis honor, nō tamen primus in omnem Ecclesiam, immò aperte subiicitur in eo Conilio sedes Hierosolymitana, non solum sedi Romanæ, Alexandrinæ, & Antiochenæ, sed etiam Cæsariensi, quæ Palæstina Metropolitana sedes erat, vt patet tum ex can. 6. & 7. apud us Conilij, tum ex Leone locis notatis, & ex sancto Hieronymo in epistola ad Pamphachiū de erroribus Ioannis Hierosolymitani. Quod verò addit ex Conilio Carthaginensi adhuc magis est impertinens; nam Concilium illud nationale fuit, nec ferebat leges vniuersæ Ecclesiæ, sed tantum Episcopis Africæ, itaq; non prohibuit, nec potuit prohibere Romanus Pontifex diceretur Princeps Sacerdotum, vel suimus Sacerdos, sed tantum ne ita appellaretur vllus Metropolitanus Africæ.

SECUNDVS error non propriè potest dici error, decretum enim illud de honore sedium, sicut a Concilio Nicæno factum

Etum fuerat, ita poterat ab alio simili Concilio mutari; tam
en quia sine iusta ratione mutabatur à Concilio Constan-
tinopolitano, & postea à Chalcedonensi; Pontifices Romani
Damasus & Leo illud probare noluerunt, neq; eorum Pon-
tificum temporibus decretum illud executioni mandatum
est, vt patet ex Leone epist. 53 ad Anatholium, vbi loquens de
decreto Concilij Constantinopolitani: *Frustrà, inquit, quo-*
rundam Episcoporum profertur consensus, cui tot annorum
series negavit effectum. Et in epist. 55 ad Pulcheriam, loquēs
de decreto Concilij Chalcedonensis: *Consensiones, inquit,*
Episcoporum, Canonum apud Nicāam conditorum regulis re-
pugnantes, in irritum mittimus, & per auctoritatem B. Pe-
tri Apostoli generali prorsus definitione cassamus.

DECIMO, profert Hermannus Hamelmannus Conciliū
Carthaginense III. can. 47, vbi numerantur in canone Scri-
pturarū aliquot libri Apocryphi; vt Tobias, Iudith, Baruch,
Sapientia, Ecclesiasticus, & Machabæi, contra auctoritatem
Concilij Laodiceni, capite vltimo, vbi isti omnes libri reii-
ciuntur à canone.

RESPONDEO in primis, Concilium Carthaginense esse
maioris auctoritatis, quam Laodicenum; tum quia poste-
rius, tum etiam quia nationale fuit, Episcoporum XLIV. &
præterea confirmatum à Leone IV. dist. 20. can. De libellis;
Laodicenum autem fuit prouinciale Episcoporum XXII. &
non confirmatum à Pontifice. Itaque hīc posset habere lo-
cum, quod ait Augustinus, Concilia priora emendari à po-
sterioribus. Dico tamē SECUNDO, neutrum Concilium er-
rasse. Nam Concilium Laodicenum posuit in canone eos li-
bros, de quibus Episcopi eius Concilij certi erant, alias au-
tem omisit, non quidem negans, eos esse canonicos, sed no-
lens rem dubiam definire; Concilium autem Carthaginense
re magis discussa definiuit id, quod prius Cōcilium relique-
rat sub dubio.

VNDECIMO, profert Concilium Toletanum I. in cuius ca-
none 17. scribitur, posse admitti ad communionem eum, qui
concubinam habet, modò non sit vxoratus, & est hoc Con-
cilium iussu Leonis I. celebratum, vt patet ex cap. 21. RE-
SPONDEO, hoc loco cōcubinam vocari vxorem ductam si-
ne dote, & extēna solennitate, vt rectē à Gratiano notatum

est, dist. 34. canon. Omnibus; quod est conforme Iuri civili, ut patet ex Nouella 18. Iustiniani. Quomodo Genesis 25. Agar & Cethura dicuntur concubinæ Abrahæ, quæ tamen viræ uxores erant, ut patet ex Genesi 16. de Agar, & Gen. 25. de Cethura.

AT OBIIICIES, quia B. Leo, qui hoc Concilium fieri insit, & probauit in epistola 92. ad Rusticum Narbonensem, cap. 4. loquens de uxore & concubina, dicit; Concubinan non esse verè uxorem, neq; coniunctionem cum ea esse sacramentum, vel Matrimonium; & propterea eam mulierem quæ nubit viro habenti concubinam, nō peccare, quasi nobat homini coniugato; quia vir habens concubinam, non potest vocari coniugatus; & ibidem asserit, Agar non fuisse veram uxorem Abrahæ, sed tantum concubinam. quod tiam videtur sensisse Ambrosius lib. 1. de Abraham, cap. 4. RESPONDEO, Leonem aliter accipere nomen concubina, quam Patres eius Concilij acceperint; ipse enim vocat concubinam eam, quæ assumitur ad consortium thori, sine motu consensu perpetuò viuendi; Concilium autem vocat concubinam eam, quæ dicitur cum eo consensu, sed primitus expresso, non per publica instrumenta.

AT, INQVIES, si Leo fuit auctor huius Concilij, quomo absoluē negauit, concubinam dici posse uxorem? RESPONDEO, Leonem non fuisse auctorem totius Concilij, sed tantum vltimi canonis. Initio enim Concilij dicitur, Concilium hoc congregatum tempore Honorij & Archadij Imperatorum, quo tempore nondū erat Pontifex Leo; ipse enim creatus est tempore Theodosij Iunioris, triginta tribus annis post mortem Archadij, ut patet ex Chronico Prosperi. Deinde in vltimo capite ponitur quædam explicatio fidei, quæ dicitur facta iussu Leonis Papæ, quæ non possunt cohærere, nisi dicamus Concilium Toletanum habitum fuisse ante tempora Leonis, sed postea, tempore Leonis, factam fuisse illam explicationē fidei, & annexam eidem Concilio, quia iidem Episcopi huic explicationi subscriptione, qui antea in Concilio fuerant, & certè magna conjectura huius rei esse potest, quod videamus, ante illam explicationem fidei ponere Episcoporum subscriptiones, quibus finitur Concilium; & deinde rursum alias eorundem subscriptiones post illam explicationem.

civili
s 25. A
ien ve
.25. d
eti ius
ensem
binan
fse Sa
erem
asi no
, noi
fuis
iod
cap.
binz
t con
e ms
voci
ori
no
p o
I ta
cili
rato
crea
s pol
de in
citur
si di
npo
llam
dem
Con
po
iE
de
ex
ica

plicatione in fidei. Itaque S. Leo non confirmavit, nisi ultimum illum canonem suo tempore factum.

DODECIMO, profert Hermannus Hamelmannus Concilium Wormatiense, in cuius canone tertio inuenitur exploratus error. Iubentur enim fures occulti explorari per sacra Eucharistiae perceptionem, quem esse errorem docet B. Thomas part. 3. quæst. 80. art. 6. ad 3. RESPONDEO, Concilium fuisse prouinciale, non confirmatum, immo potius reprobatum, quoad illum canonem, à summis Pontificibus, ut ibidem B. Thomas ostendit.

DECIMO TERTIO, proferunt alij canones VI. Synodi; illi enim canones videntur recepti; nam Adrianus I. in epistola ad Tharasium, quæ est in secunda actione VII. Synodi, dicit, hos canones diuinè & legaliter prædicatos. Item Nicolaus I. epistola ad Michaëlem, & Innocentius III. cap. A multis, extra de ærate ordinandorum, & VII. Synodus act. 2. 3. 4. 5. & 6. his canonibus vtuntur. At inueniuntur in his canonibus magni errores; nam canone 2. recipitur Concilium sub Cypriano de rebaptizâdis hæreticis, quod erroneum fuisse probat Augustinus passim in libris septé de Baptismo. item canone 72. iudicantur irrita, & soluenda coniugia Catholicorum cum hæreticis, qui est expressus error; et si enim peccat Catholicus ducens hæreticam vxorem, & contrà; tamen Matrimonium est Sacramentum propter characterem Baptismi, quem hæreticus retinet, & ideo tale coniugium solui non potest.

RESPONDEO, non solum hos duos, sed etiam multos alios canones esse erroneos in istis canonibus, sed nō sunt editi; isti canones ab ullo legitimo & probato Concilio, Constat enim ex Tharasio in VII. Synodo, act. 4. hos canones nō esse editos à VI. Synodo, quæ fuit tēpore Agathonis, & Constantini, sed post multos annos tempore Iustiniani II. Imperatoris, cui Concilio non adfuit Romanus Poncifex, nec per se, nec per Legatos, neq; postea Concilium confirmavit, sed apertè reprobauit, vt testatur Beda in libro de sex ætatibus in Iustiniano, & Paulus Diaconus in vita eiusdem Iustiniani; & Platina in vita Sergij.

Ad verba ADRIANI respondeo, illum solum recitare sententiam Tharasij, nec refellere, quia ille canon 82. de pictu-

ris, utilis erat eo tempore ad quæstionem de qua agebatur
Ad NICOLAVM respondeo, verba eius esse pro nobis; dicit
nun, se citare illum canonem Græcorum, quomodo Paulus
citauit, verba Ethnicorum Poëtarum. Ad INNOCENTIVM
co, eum nihil ibi definire de his canonibus, sed tantum cui
re vnum canonem ex istis; quod autem citauerit nomine VI
Synodi, factum est, vel quia sic vocantur communiter, licet
verè non sint; vel quia INNOCENTIUS ex Gratiano, dist. 32. cap.
Si quis, hunc canonem accipit, Gratianus autem sæpe in hu
parte errauit, tribuens opera iis, quorum non sunt. Ad VI
Synodus dico, semper citari hos canones à priuatis hom
nibus in ea Synodo inter disputandum, non tamen aliqui
definiri à tota Synodo, nam definitio Concilij habetur ad
one 7. tantum, ibi autem nulla fit mentio horum canonum.
Vide Franc. Turria. in libro de VI. Synodo, & ea quæ nos di
seruimus de his canonibus lib. 2. de Pontifice, cap. 14.

Proferunt DECIMO QVARTO Hermannus Hamelmann
lib. 3. proleg. cap. vii. Caluinus lib. I. Inst. ca. II. §. 14. & sequen
tibus, & lib. 4. cap. 9. §. 9. necnon Magdeburgenses Cent. 8. ca
9. Synodus VII. Nicænam II. quam dicūt pugnare cum du
bus Conciliis: Vno priore, id est, Constantinopolitano, si
Constantino Copronymo: Altero posteriore, Francofor
ensi, sub Carolo Magno; ita ut siue sit sequenda regula B.
gustini lib. 2. de Baptismo, ca. 3. qui vult priora Concilia po
sterioribus emendari, siue regula S. Isidori apud Gratianum
dist. 50. canone, Domino sancto, qui docet, antiquiora Con
cilia recentioribus anteponenda; necessarium sit hoc Nicæ
num esse reiiciendum.

Quod pugnet Nicænum secundum cum antiquiori
Constantinopolitano, patet ex ipso Nicæno II. auct. 6. vbi fa
tentur Patres tempore superioris Imperatoris definitum
fuisse in Concilio Constantinopolitano, imagines non esse
vlo modo colendas; quod verò pugnet cum Concilio Fran
cofordiensi posteriore, in quo etiam Legati Romani Ponti
ficiis fuerunt, probat aduersarij. PRIMVM ex Adone, Aimo
nio, Abbe Vrspergensi, Platina, aliisque historicis, qui vbi
loquuntur de temporibus Caroli & Adriani, dicūt, in Syno
do Francofordiensi damnata VII. Synodus Græcorum. SE
CUNDUM, probant ex libris quatuor Caroli Magni, qui ou
pet

per prodierunt, id est, anno M. D. XLIX. iis enim libris Carolus Magnus totis viribus contra imagines, & VII. Synodum pugnat, & ibidem legimus, hos ipsos libros in Francofor- diensi Synodo approbatos.

RESPONDEO, Nicænam Synodum cum nullo legitimo Concilio pugnare. Ac primùm, quod attinet ad Constantiopolitanum sub Imperatore Constantino Copronymo, constat illud non fuisse generale, nec legitimum vlo modo, cùm in eo nō interfuerit Romanus Pontifex, nec per se, nec per Legatos: vt Ioannes Zonaras & Cedreus referunt in vi- ta Constantini Copronymi, & idem fatentur Magdebur- genses Cent. 8. cap. 9. colum. 551. sine Pontifice autem Ro- mano non posse oecumenica Concilia celebrari, patet ex re- gula Nicæni Concilij, quæ est apud Socratem lib. 2. cap. 13. Quid, quòd nec adfuerunt tres alij præcipui Patriarchæ, A- lexandrinus, Antiochenus, Hierosolymitanus, vt ex eisdem Zonara, Cedreno, & Magdeburgensibus patet. Quomodo ergo generale Concilium dici potest, cui neque Oriens, ne- que Occidens, neque Meridies consensit, sed pauci duntaxat Episcopi ex Aquilone: Denique, quotquot exstant historici, tum Græci, vt Zonaras, Psellus, Photius, Nicetas, Cedrenus; tum Latini, vt Rhégino, Sigebertus, Ado, Paulus Diaconus, Vrspergensis, aliisque permulti; omnes Concilium hoc vel apertè reprehendunt, vel inter Concilia Ecclesiæ non nu- merant.

De Concilio autem Francofordiensi, quo præcipue ni- tuntur aduersarij, dico tria. PRIMO, quidquid illud Conci- lium definierit, nō esse magnificiendum; nam sine dubio il- li anteponendum est Concilium Nicænum II. quod certum est fuisse vniuersalius, antiquius, & sine controversia à summo Pontifice approbatum. Nam constat ex ipso Concilio, adfuisse Legatos Papæ Adriani, & rursum approbatū à Leo- ne II. patet ex Iuone 4. part. cap. 147.

DICO SECUNDО, si verum est quod dicunt Centuriatores Centur. 8. cap. 9. col. 639. nihil nobis eam Synodum obesse; nam ipsi dicunt, Synodo Francofordensi non consensisse, sed repugnasse Adrianum & Legatos eius; at certum est, Sy- nodum, cui repugnat Romanus Pōtifex, nullius esse aucto- ritatis, vt patet, tum ex Gelasio, in tomo de vinculo anathe- matis,

matis, tum experientia. Nulla enim Synodus vñquam habita est legitima, cui Romanus Pontifex repugnauerit. Quid quod ipsa Synodus Francofordiensis hoc ipsum docet; nam vt ex Carolinis libris patet, Synodus Francofordiensis decreuit, iudicium ultimum controvërsiarum ad Romanum Pontificem pertinere, & hoc præcipuo argumento refelli Synodum septimam, qui existimauit sine auctoritate Romani Pontificis celebratum; ergo Synodus Francofordiensis, testimonia Magdeburgensem, se ipsam destruit.

Præterea ibide Magdeburgenses dicunt, Synodum Nicenam ab Adriano confirmatam, Concilium autem Francofordiense reprobat Synodum factam sine Papæ auctoritate, ergo iudicio Magdeburgensem, non est Nicena nostra, sed aliqua alia, quæ reprobatur in Concilio Francofordiensi. D E N I Q V E , ibidem docent Magdeburgenses, in Synodo Francofordiensi non esse definitum, vt imaginestolantur è templis, sed vt in templis quidem maneant, at non adorentur; cur ergo ipsi è templis imagines tollunt? et frangunt? cur non feruant Francofordiense decretum? quo etiam refellitur mendacium Apologiae Anglorum, quod docet, in Concilio Francofordiensi decretum, vt imagines delerentur. at è contrario Synodus Francofordiensis, testimonio librorum Carolinorum, Hincmari, & ipsorum Magdeburgensem, anathema dixit iis, qui imagines delerentur. Præterea, res ipsa idem ostendit; nam si ea Synodus statuisset, cur non esset factum? Quis enim resisteret Occidentali Ecclesia decreto Episcoporum omnium, & Regis potentissimi? non esse autem factum, certò certius est nulli enim historici id referunt; immò Ionas Aurelianensis, tanquam rem nouam, & sacrilegam refert, quod Cladius Taurinensis in sua diœcesi imagines delere voluerit.

T E R T I O dico, rem esse incertissimam, quid statutum sit de imaginibus in Synodo Francofordiensi: nam antiqui auctores non sibi constant. nam in primis ipsum decretum Francofordiense, quod citatur præfatione librorum Carolinorum, testatur in Synodo Francofordiensi damnata Synodus, quæ Constantinopolis conuenerat, & imagines adorari iussierat. Vbi cùm nominat Constantinopolim, vi
detur

detur loqui de Synodo hæretorum contra imagines ; at cùm dicit, ibi decretum, vt imagines adorentur, videtur loqui de Synodo Catholicorum.

Par ratione libri ipsi Carolini dicunt, in Synodo Francofordiensi damnatam Synodum, quæ facta fuerat Constantinopoli in Bithynia sine auctoritate Papæ, pro imaginibus adorandis. vbi cùm nominat Constantinopolim; & dicit, à Synodo abfuisse Papæ auctoritatem, videtur loqui de Synodo hæretorum; cùm autem dicit in Bithynia, & pro imaginibus Synodum celebratam, videtur loqui de nostra Nicæna. Nam Nicæa est Metropolis Bithyniæ, Constantinopolis autem in Thracia est.

Iam verò Hincmarus Remensis, cap. 20. libri contra Hincmarum Laudunensem, qui ipso ferè tempore floruerat, dicit, in Synodo Francofordiensi damnatam Synodum, quæ Nicæa conuenerat, sine Papæ auctoritate, vbi etiam duo contraria coniungit, vt pater. Aimonius lib. 4. cap. 85. de gestis Francorum, & Abbas Vrspergensis in Chronico anni DCC. XCIII. scribunt, in Synodo Francofordiensi damnatam septimam Synodum Græcorum, quæ conuenerat Constantinopoli sub Constantino & Irene. Vbi etiam ipsi contraria iungunt inter se. Multi autem historici recentiores dicunt, in Synodo Francofordiensi damnatam Synodum de tollendis imaginibus, quam Græci septimam generalem dicebant. Ita Platina in vita Adriani, Blondus decadis 2. libro 1. Sabellicus lib. 8. Enneadis 8. Paulus Æmilius lib. 2. de gestis Francorum.

Propter hanc confusionem Alans Copus Dialogo 4. & 5. docet, in Synodo Francofordiensi solum damnatam Synodum Constantinopolitanam hæreticam, Nicænam autem non solum non damnatam, sed etiam confirmatam, quam sententiam optarem esse veram, sed tamen suspicor esse falsam.

PRIMO, quia libri illi Carolini licet falso inscribantur Carolo, vt dicemus, tamen sine dubio scripti sunt tempore Caroli, vt patet ex refutatione eorundem librorum, quam edidit Adrianus I. & scripti videntur in Concilio Francofordiensi, & acta cōtinere Synodi Francofordiensis. Id enim asserit Hincmarus eius temporis auctor, & ipsi libri hoc præferunt;

138 Cap. VIII. De Conciliorum auct. Lib. II.

ferunt; quod autem Synodus, quæ in his libris refutatur, si verè Nicæna II. dubitari non potest, si legantur vel ipsi libri vel Adriani responsio.

SECUNDО, quia auctores antiqui omnes conueniuntur hoc, quod in Concilio Francofordiensи sit reprobata Synodus VII. quæ decreuerat, imagines adorandas. Ita Hincmarus, Aimonius, Regino, Ado, & alij passim docent; dices autem hos omnes mētiri, vel libros eorum esse corruptos, Copus dicit, videtur mihi paulò durius.

TERTIO, quia si isti auctores loquerentur de falsa VI Synodo, id est, de Synodo Constantinopolitana contra imagines, certè meminissent etiam in suis historiis Synodi Nicænae verè VII. at non meminerunt ullius Concilij VII. nisi istius, quod reprobatum dicunt. Neque obstat, quod libri Carolini, ut Abbas Urspergensis & Aimonius dicunt, reprobat Synodum Constantinopoli habitam; nam Abbas sequutus est libros Carolinos, ut etiam Aimonius; auctor autem eorum librorum, vel lapsu memoriae, vel ex imperio posuit Constantinopoli pro Nicæna; nam alioqui cūdicit, Synodum celebratam in prouincia Bithyniæ, ubi Nicæna est, non Constantinopolis, satis indicat, se de Nicæna qui; & similiter Abbas, & Aimonius cūm dicant Synodum celebratam sub Constantino & Irene, clarè demonstrant loqui de Nicæna Synodo, etiamsi per errorem nominat Constantinopolim.

Neque etiam obstat, quod Hincmarus & libri Carolini dicant, Synodum reprobata in Concilio Francofordiensи, fuisse coactam sine auctoritate Papæ, quod est falsum de Nicæna, & verum de Constantinopolitana: Nam Hincmarus sequutus est libros Carolinos, ut ipse iudicat, auctor autem eorum librorum hoc mendacium finxit, cum aliis multis, ut imponeret Synodo Francofordiensi, ut mollicimus.

Neque obstat vltimò, quod Platina, Blondus, Sabellicus & Paulus Æmilius dicant, reprobata Synodum de tollendis imaginibus; nam in primis isti omnes recentiores sunt deinde; quod ipsi dicunt, non pugnat cum antiquorum historicorum dictis; nam in Synodo Francofordiensи duæ Synodi reprobatae fuerunt, nimirum Constantinopolitanæ

cont

contra imagines, & Nicæna pro imaginibus, ut patet ex libris Carolinis & ex Hincmaro, & forte hæc est causa, cur antiquorum historicorum aliqui nominent Nicæam, aliqui Constantinopolim, cum dicunt, Synodus Græcorum reprobata in Concilio Francofordiensi.

Videtur igitur mihi, in Synodo Francofordiensi verè reprobata Nicænam II. Synodum, sed per errorem, & materialiter, eo modo prorsus, quo olim Synodus Ariminensis damnauit homousion. nam auctor librorum Catolinorum imposuit Synodo, duoque mendacia illi obtrusit. V N V M mendacium fuit, in Synodo Nicæna definitū fuisse, ut imagines adorarentur cultu latrīx. A L T E R V M, decretum illud factum à Græcis sine consensu Papæ Romani. His duobus mendaciis pro veritate habitis, Synodus Francofordiensis reprobavit, & meritò, Nicænam Synodum, tanquam prophanam & illegitimam.

Quod illa duo fuerint persuasa Concilio, patet ex ipsis libris Carolinis; nam in præfatione disertè habetur hoc modo: *Allata est in medium, (scilicet in Synodo Francofordiensi) quaestio de noua Græcorum Synodo, quam de adorandis imaginibus Constantinopoli fecerunt, in qua scriptum habebatur, Ut qui imaginibus Sanctorum, ita sit Deificæ Trinitati, servitum, aut adorationem non impenderet, anathema sudicaretur, qui supra, sanctissimi Patres nostri omnimodis orationem, & servitutem eis impendere renuentes, contempserunt, atq[ue] consentientes, condemnarunt.* Hæc ibi. In ipso etiam opere introducitur Constantinus Episcopus Cypri, in Concilio Nicæno anathema dicens iis, qui non adorant imagines eo cultu, quod adoratur sanctissima Trinitas. Enclare primum mendacium.

Idem auctor clare docet, ad summum Pontificem pertinere iudicium controversiarum fidei, & ideo Synodum illam pro adorandis imaginibus nihil valere, quod Pontificis auctoritate careat.

Præterea auctores illi antiqui, qui dicunt, reprobata esse fallam Synodum, quæ decreuerat, imagines esse adorandas, sine dubio per illud adorandas, intelligunt adorandas cultulatriæ, nam ipsi quoq[ue] docent, imagines esse venerandas, & tamen execrantur illam Synodum, quæ iubet imagines

nes

nes adorari. A D O in Chronico anni DC.XCVI. dicit, Rom: in die exaltationis Crucis, à toto populo Crucem osculati & adorari solitam, & etiam in Chronico anni D C C. XVII vocat imaginem venerandam; quam euerterat Philippicus hæreticus, & restituerat Theodosius Catholicus Imperator. R H E G I N O libro 1. Chronicis, sub finem, agnoscit Crux adorationem, & deturbationem imaginum per Leonem Iconomachum factam, scelus appellat. Ioannes AVENTINVS libro 4. annalium, dicit, Carolo Magno Imperatore designato, imaginem eius in templo ab omni populi veneratam, ipso præsente. ABBAS Urspergensis in Chronico, inuehitur in Leonem Isaurum, & Constantimum Cæpronymum, propter imaginum detractionem, eosque vocat impios, & Antichristi præcursores, & è contrario Gregorius Papam laudat, & sanctum virum fuisse dicit, qui proprie imagines Christi & Sanctorum Imperatorem excommunicauit.

Quod autem verè mendacia sint, quòd Synodus Nicæna caruerit Papæ auctoritate, & quòd decreuerit imagines adrandas cultu latiæ, certissimum est; nam in ipso Concilio Nicæno II. act. 2. recitantur epistolæ Papæ Adriani pro imaginibus, & in omnibus actionibus semper primi subscribi. Legati Romani: deinde quod ad cultum attinet, in 1. act. filius Ancyranus; qui antea fuerat hæreticus, cùm resipseret, & confessionem Catholicam ederet, toto Concilio diente & probante, dixit se imagines quidem colere, non tamen latræ, cùm ea soli debeatur Deo. Similiter Constantinus Episcopus Constantiæ Cypri in VII. Synodo, act. 2. loquutus est. Similiter loquuntur etiam ceteri, act. 4. & 7.

Neque mirum videri debet, quòd auctor librorum Carolinorum tam manifesta mendacia obtruserit. Synodus Francofordiensis de Nicæna Synodo paulò antè habita; nasi nunc Magdeburgenses & Caluinus scribere audent, non colere imagines diuinis honoribus planè vt Deos, cùm tolibri Catholicorum, & ipsum generale Cœcilium Latinum, & in Germaniæ finibus Tridenti celebratum, disertè clament contrarium; quid mirum, si idem confictum sit de Synodo Græca, quam paucissimi legere poterant, & quæ in Oriente celebrata fuerat?

S 1 D.

S I D I C A S , ergo saltem Concilium Francofordiense , quod frequentissimum fuit & legitimum , errare potuit . R E S P O N D E O , potuit errare , & errauit non in iuris , sed in facti quæstione , & præterea non mirum si errare potuit ; nam non consenserunt Legati Romani , ut Magdeburgenses dicunt . Papa autem non solum non consensit , sed etiam refutauit Francofordiense decretum , ut patet ex libro Adriani de imaginibus ad Carolum , vbi refutantur omnia mendacia illorum librorum Carolinorum .

Quòd autem ex libris Caroli adferunt , in quibus præcipuum firmamentum causæ suæ constituunt ; Dico , eos libros , neque esse Caroli , neque eiusmodi , quibus illa fides haberi possit .

Quòd Caroli nō sint , probatur P R I M O , quia exstat liber Adriani Papæ I ad Carolum , in quo libri isti accuratè refelluntur , ex quo Adriani libro , perspicuè intelligitur , libros istos ab aliquo hæretico compositos , & à Carolo ad Pontificem missos , vt eis responderet . Esse autem Adriani hunc librum , qui exstat in 3. tomo Conciliorum , cùm aliunde , tum etiam ex Iuone intelligi potest , qui multa ex hoc libro nomine Adriani in quartam partem sui decreti transtulit .

S E C U N D O , constat ex historiis Græcorum & Latinorum , vt Zonaræ , & Cedreni in vita Leonis Isauri , necnon Pauli Diaconi in vita eiusdem , Romanos Pontifices Gregorium III. Adrianum I. & Leonem III. defecisse à Græcis Imperatoribus , eos excōmunicasse , vt vestigalia eis tribui ex Italia prohibuisse , seq; in tutelam Francorum contulisse , atque in eos tandem imperium transtulisse , ea de causa præcipue , quòd Græci Imperatores hæresi Iconomachorum patrocinaretur ; cùm è contrario Francorum Reges in fide antiqua constantes essent ; Quomodo ergo veritabile est , Carolum Imperatorem eadem hæresi laborasse , & pro errore Græcorum cōtra Romanum Pontificem scripsisse ? Sed verba ZONARÆ audiamus : Igitur , inquit , Papa Gregorius deserta Imperatoris obperuersam illius opinionem , pacem cum Francis fecit , cùm prius saepe dedisset operam , vt Leonem per literas ab odio Disrenocaret , atque ad cultum sacramum imaginum reduceret . Et infrā in vita Irenes : Adriano Veteris Roma Papa mortuo , Leo suffectus est , vir reverendus

Ego-

*E*go honorabilis, qui cum se ad Carolum Francorum Regem contulisset, ab eo tempore Roma Franci potissimum sunt, Carolus Leone coronato, *E*go Romanorum Imperatore appellato. Nam Papa Gregorius nihil sibi rei esse voluit cum impiis Ecclesiis Constantinopolitanae gubernatoribus, & pacem cum Fratribus fecit.

TERTIO, scribit IONAS Aurelianensis lib. 1. de cultu imaginum (floruit autem Ionas tempore Ludouici Pij C^{aroli} filii) Claudiu Taurinensem eius hæresis patronu^m tempore, quo vixit Carolus, nunquam fuisse ausu^m mutire. Idemque ibidem, virum piissimum, ac sanctissimum Carolum Augustum appellat. Si ergo Iconomachⁱ, viuente Carolo, non audebant hæresim suam prædicare, defensores imaginum Carolum ut pium ac sanctum venenabuntur, quanta impudentia est, libros contra imagines Carolo attribuere?

QUARTO, scribit Paulus Æmilius lib. 2. histor. Francorum, necnon Regino in Chronico, in Concilio quodam Gentiliaci coacto, Pipinum Regem, Caroli magni patrem Græcorum errorem contra sacras imagines, Imperator Græci Legatis præsentibus, confutasse; ex eodem quoque Paulo constat, non diu postea ad Concilium, quod Romæ phanus Papa celebravit contra eundem Græcorum errorum, misisse Carolum Magnum Episcopos duodecim præcipuis Regni, qua ergo audacia aduersarij Christianissimum Principem in Iconoclastam transformare nituntur præsertim cum Paulo Æmilio in hac parte assentiatur Magdeburgenses Cent. 8. cap. 9. col. 570.

QVINTO, constat ex historicis omnibus, & ex ipsius Caroli epistolis, & carminibus, immò ex ipsis rebus gestis, Carolum & Adrianum semper coniunctissimos fuisse. Exstet adhuc Adriani epitaphium ab Imperatore Carolo non minus eleganter, quam pè descriptum; apud Onuphrium additione ad Platinam, cuius hoc est initium.

*Hic pater Ecclesia, Roma decus, inclitus auctor
Adrianus requiem Papa beatus habet.
Vir, cuius vita, Deus; pietas, lex; gloria, Christus;
Pastor Apostolicus promptus ad omne bonum.*

Etio-

Et infrà:

Post patrem Carolus lacrymans hæc carmina scripsit,
Tu mihi dulcis amor, te modo plango pater.
Tu memor es to mei, sequitur te mens mea semper,
Cum Christo teneas regna beata pole.

Num credibile est igitur, Carolum alterius religionis ac filii fuisse, quam Adrianum? & in ipsum Adrianum tam acriter scriptissime, cum cum tantoperè coluerit, & post obitum laudarit?

Denique certum est, Carolum hominem Græcè & Latinè peritum, prudentem & ingeniosum fuisse, libri autem isti hominis barbari, imperiti, leuis, ac penè stulti esse videntur. Nam Constantinopolim urbem notissimam in Bithynia esse dicit, cum nemo nesciat esse in Thracia, nisi forte quia frequentes ibi terræmotus sunt, solum mutauerit. Deinde, Concilium pro cultu imaginum Constantinopoli celebratum afferit, cum tamen Nicæa celebratum nemo sit qui nesciat, nisi qui nihil legit. Et, quod grauius est, per calumniam & mendacium multa tribuunt isti libri Nicænis Patribus, quæ nunquam dixerunt, & interdum quæ aduersarij dixerant, quale est illud, quod Eucharistia sit imago corporis Christi, quod non solum Patres Nicæni non defendunt, ut iste auctor somniat, sed etiam ex professo refellunt. Vnde accipit CALVINVS alterius mendacij occasionem. Quia enim Iconomachi dixerant, unam solum imaginem adorandum, id est, Eucharistiam, atque hoc dictum Pseudo Carolus Nicæna Synodo tribuerat, Caluino placuit, ita rem totam immutare, ac dicere: *Ceterum ne suo solenni, plaudite, fabula careat, additur clausula (nimis rara in Concilio Nicæno) Gaudcent & exultent, qui Christi habentes imaginem, sacrificium illi offerunt. Quod est mendacium impudentissimum.* Concilium enim Nicænum tantum abest, ut voluerit imaginibus sacrificium offerri, ut disertè in act. 7. declarauerit, non veram latriam, sed honorariam tantum adorationem imaginibus deferri.

Accedat postremò, quod liber iste tanquam alter Melchisedech, est sine patre, sine matre, sine genealogia; prodidit enim repente in lucem, nec scitur quando, aut ubi, aut quomodo, aut à quo repertus, nec habet nomen auctoris, nec

KK

impres.

impressoris, nec loci vbi impressus est. Quæ sunt omnia argumenta atque indicia fraudum. SED ESTO, si liber Caroli Magni, quid tandem aduersarij obtinebunt? pro rursus nihil. Auctor enim huius libri disertè oppugnat omnia fidei dogmata Caluinistarum; aperte enim docet, ad Romanus Pontificem pertinere ultimum iudicium de controversiis dei, & eum non à Conciliis, sed à Deo ipso primatum habere. idem vult exorcismum adhiberi in Baptismo, templo dicare certo ritu, orandum esse pro defunctis, Sanctos invocandos, reliquias venerandas, chrismatis, aquæ, salisq; benedicti usum in Ecclesia retinendum, in Eucharistia verè corpus Christi, idque adorandum, & tamquam verum ac prius sacrificium offerendum, quæ sunt omnes exploratae heresies apud aduersarios.

Si ergo volunt nos credere huic auctori, cùm docet Nam Synodum errasse, credant eidem ipsi, cùm asserta multa, quæ iam enumerauimus. Quod si etiam constat Carolum ipsum hunc librum scipisse, & in omnibus caluinistis conuenire, quid haberent aliud, quam testimoniū unius hominis laici, & militis? quod opponere valit Concilio generali Episcoporum, stultitia est manifesta. Nam ut rectè ait Damascenus orat. 2. de imaginibus, Christus comisit Ecclesiam Regibus & Imperatoribus, sed Episcopis & Pastoriibus.

DECIMO QVINTO, proferunt Concilia duo inter se contraria, quibus tamen præfuerunt Romani Pontifices nam Concilium Romanum sub Stephano VII. irritauit omnia acta Formosi Papæ prædecessoris sui; deinde Concilium Rauennense sub Ioanne IX. irritauit acta Concilij sub Stephano, & approbavit acta Formosi. Vide Sigebertum in Chronico anni DCCCC. III. Matthæum Palmerium in Chronico anni DCCC. XCIX. & Platinam in vita horum Pontificum. RESPONDEO, quæstionem fuisse defacto, id est, an Formosus fuisset verus & legitimus Papa; & quia Stephanus male informatus, censuit eum non fuisset Papam, acta eius irritauit. Quia vero Ioannes postea re melius inuestigata, inuenit contrarium, correxit errorem Concilij prioris, iuxta regulam Augustini, qui dicit; Concilia priora aliquando

• Cap. VIII. De Conciliorum auct. Lib. II. 145

aliquando emendari à posterioribus, nimirum in huiusmodi casibus particularibus.

DECIMO SEXTO, proferunt Concilium Romanū sub Nicolao II. in quo definitum est, non solum Sacramentum corporis Christi, sed & ipsum verum Christi corpus tractari, & frangi manibus Sacerdotum, & fidelium dentibus atteri, ut patet ex can. Ego Berengarius, de consec. dist. 2. At hic est error manifestus contra resurrectionem gloriosam Christi, de qua dicit Apostolus: *Christus resurgens à mortuis, iam nō moritur.* Rom. 6. Si enim corpus Christi verum frangitur, & teritur, certè corruptitur & moritur.

RSPONDEO, nunquam fuisse quæstionem, an Christi corpus verè, ut est in se, frangeretur manibus, & dentibus terretur, certum enim est, & semper fuit, Christi corpus incorruptibile nunc existens, non posse frangi & teri, nisi in signo siue Sacramento, ita ut dicatur frangi ac teri, cùm signum eius, id est, species panis frangitur, & teritur. At quæstio fuit, an signum, quod frangitur, & teritur, sit nudum signum, an verò contineat Christi corpus reuera. & quia Berengarius docuerat esse nudum signum, ideo Concilium Constituens formam abiutionis huius erroris, voluit eum dicere, non solum Sacramentum, sed etiam verum Christi corpus frangi, & teri. quorum verborum hic est sensus, non teritur, & frangitur nudum signum, sed etiam verum Christi corpus, id est, sed signum habens realiter coniunctum Christi corpus: siue, sed etiam verum Christi corpus ibi praesens existens, frangitur, & teritur, non tamen in se, sed in signo. Quomodo etiam intelligimus, cùm Chrysostomus homil. 83. in Matth. ait: *O quor, inquit, dicunt, vellem eius formam, eius calceamenta videre. Ipsum igitur vides, ipsum ei- gis, ipsum comedis.*

DECIMO SEPTIMO, profert Hermannus Concilium Lateranense sub Innocentio III. in quo definitum est, habendum esse pro articulo fidei, panem & vinum in Sacramento transubstantiari in corpus & sanguinem Christi; At in Concilio Ephesino dicitur anathema omnibus proferentibus aliud Symbolum.

Respondeo PRIMO, Lateranense Concilium non cōponuisse ullam Symbolum, sed tantum definiuisse unam quæ-

stionem de fide, sicut fecerunt multa Concilia post Ephesinum. **S E C U N D O** dico, Concilium Ephesinum dixisse nathema proferentibus aliud Symbolum, id est, contrarium Nicæno, non autem aliud, id est, nouum, & explicatus. **T E R T I O** dico, Concilium Ephesinum prohibuisse noui Symboli compositionem Episcopis, & Conciliis particularibus, non autem summo Pontifici, aut Concilio generali; nemo enim in parem, vel maiorem, habet præcipie di auctoritatem.

D E C I M O O C T A V O, proferunt Concilium Constantiense & Basileense; nam illud less. 13. excommunicavit omnes communicantes sub utraque specie; istud autem concedit utramque speciem Boëmis. **R E S P O N D E O**, quidquid sit de his Conciliorum auctoritate, dico ea non pugnare inesse; nam Constantiense excommunicat eos, qui communicaunt sub utraque specie sine licentia Ecclesia. Sic enim intelliguntur præcepta maiorum; non enim qui præcipit, prius auctoritate dispensandi. Concilium autem Basileense dispensavit cum Boëmis, eisque licentiam dedit communicaendi sub utraque specie.

V L T I M O, proferunt eadem Concilia Constantiense Basileense, quæ statuunt, Concilium esse supra Papam, et contrarium habetur in Concilio Lateranensi, less. II. sed hac re infra dicemus in fine huius libri.

C A P V T I X.

Soluitur obiectio ducta ex ratione.



BIII CIVNT postremò eam rationem. In omnibus cœtu multitudinis saepè accidit, ut maior pavincat meliorem, igitur in Conciliis Ecclesiarum, vbi definiuntur omnia ad plura suffragia, faciliter poterit, ut contingat error. **D E I N D E** esto; Concilia legitima non possint errare, tamen quis nouit, an ullum fuerit unquam legitimum Concilium? Nec enim est Cœcilem legitimum, nisi Episcoporum fidelium, quis autem scire potest, an qui in Concilio conueniant, habeant veram fidem, & veram ordinationem? **D E N I Q U E**; in antiquis Conciliis conue-